



COLEXIO OFICIAL DE ENXEÑEIROS TÉCNICOS
AGRÍCOLAS
A Coruña – Pontevedra

Av. Barrié de la Maza, 17-1º C
15003 – A CORUÑA
Telf. 981 22 60 27
Fax. 981 22 41 38
colegio@coitagalicia.org

Soportais da Ferrería, 4-2ºD
36002 - PONTEVEDRA
Telf. 986 84 61 17
Fax. 986 84 61 17
delegacionpontevedra@coitagalicia.org

www.coitagalicia.org

memoria
anual

2007

Asemblea Xeral Ordinaria
Santiago, 27 de xuño de 2008



NDICE

1. - PRESENTACIÓN.

2.- ACTIVIDADE COLEXIAL.

2.1.- Asembleas Xerais

2.2.- Plenos do CGCOITAE

2.3.- Xuntas de Goberno

2.4.- Administración

2.5.- Altas e Baixas Colexiais

2.6.- Asesoría Xurídica

2.7.- Defensa das atribucións profesionais

2.8.- Visado de Traballos

2.9.- Formación

2.10.- Fomento do Emprego

2.11.- Relación Interna

2.12.- Relacións con Outras Institucións

2.13.- Outras Intervencións

2.14.- Medios de comunicación

3.- RESUMO DAS ACTIVIDADES

4.- EPÍLOGO



MEMORIA DE ACTUACIÓN 2007

1. – PRESENTACIÓN.

Outro ano máis, e como cada ano, a Xunta de Goberno do Colexio, atopámonos ante a obriga estatutaria de responder ante a Asemblea Xeral (os colexiados e as colexiadas), sobre a execución dos Orzamentos aprobados, e en que feitos e actuacións se traduciu a execución destes durante o exercicio 2007.

Esta obriga, que ven imposta polos nosos Estatutos xerais, é ao mesmo tempo a oportunidade que estes lle brindan á Xunta de Goberno de recapitular sobre a súa actuación, e a todos sobre a vida e a actividade colexial; e nos permite valorar como de vivo se atopa o Colexio.

Esta información, xunto coa económica contida no Balance do Colexio, cuxa conta de Perdas e Ganancias tamén está ao voso dispor, indican un razoable, aínda que sempre mellorable, nivel de actividade colexial en relación ao tamaño da nosa organización, e aos nosos medios humanos e materiais.

En canto á vida colexial, vese que ano tras ano vai aumentando, na medida na que segue a incrementarse o número de colexiados e colexiadas, dun xeito satisfactorio posto que a conflictividade interna practicamente é descoñecida; e a externa (denuncias, informes solicitados polos xulgados, tribunais e administracións, etc.), se ben se incrementa de ano en ano, afortunadamente, o fai a un ritmo inferior ao do número de colexiados e ao da actividade desenvolvida por estes.

2007 foi o IV ano d. Ou. (Despois da segregación de Ourense), e por increíble que poda parecer, aínda non remataron de producirse consecuencias derivadas desta. Aínda pende a sentenza do TSXG do Recurso Contencioso-Administrativo interposto polo CGCOITAE, contra o Decreto 448/2003, e segue a estar pendente a cristalización da mediación proposta, ao noso Colexio, polo propio CGCOITAE, a petición do Colexio de Ourense, conducente á liquidación económica. Pola contra, a situación da extraballadora da Delegación do Colexio en Ourense quedou aclarada durante este ano coa negociación e sinatura do seu “finiquito”.

A Memoria de Actuacións de 2007 susténtase nos orzamentos aprobados pola Asemblea Xeral Ordinaria, de 18 de decembro de 2006.



Ao longo de 2007, a Xunta de Goberno renovou o seu empeño en executa-las accións previstas, mantendo directrices de traballo semellantes ás de anos anteriores. Sendo algo autocríticos, entroutras cousas, é mellorable a coordinación entrámbalasduas sedes, xa que non sempre foi todo o perfecta que debería para beneficio de toda a organización, e deberíamos tamén mellora-la colaboración cos colexios de Lugo e Ourense, pero esta evidentemente non é só unha misión nosa.

Outro ano máis, volvemos concorrer co Colexio Oficial de Enxeñeiros Agrónomos de Galicia, na organización doutro evento no marco da Feira Internacional “Semana Verde” de Galicia. En 2007, tocoulle o turno ao “I Foro de enerxias Renovables”. Seguimos a estar satisfeitos de cómo se desenvolve esta colaboración, non moi frecuente no ámbito estatal, e que segue a demostra-lo seu interese de cara á súa repetición no futuro.

Para remate comenta-la consolidación do sistema de visado dixital, do que fomos pioneiros, entre a profesión a nivel estatal. Xa cumpriu o seu segundo ano totalmente operativo, e aínda que pensamos que segue sen ter acadado teito, sí que ten crecido lixeiramente, tanto en número de usuarios como en número de xestións feitas por este sistema (traballos, anexos e correccións). Xa se teñen visado por este sistema, tamén, bastantes proxectos con planos formato A3 e esperamos que a introducción de melloras que permitan achegar planos de maior tamaño suporá o seu espaldarazo definitivo, a este que foi un dos proxectos máis ambiciosos e importantes desenvolvidos polo Colexio nos derradeiros anos.



Participación do Sr. Presidente no III Congreso Nacional de Calidad Alimentaria (Murcia, 16,17 e 18 outubro).



2.- ACTIVIDADE COLEXIAL.

2.1.- Asembleas Xerais:

Nº: 2 (Ordinarias).
Datas: 25 de xuño e 20 de decembro.

2.2.- Plenos do CGCOITAE:

Nº: 2 (Ordinarios).
Datas: 76º Pleno (Madrid), 16 de xuño.
77º Pleno (Madrid), 1 de decembro.

2.3.- Xuntas de Goberno:

Nº: 5
Fechas: 26 de febreiro, 16 de abril, 4 de xuño, 24 de setembro, 19 de novembro.

Durante o ano, fora das reunións da Xunta de Goberno, formalmente convocadas, producíronse algunhas outras xuntanzas como a que tódolos anos se celebra para avaliación dos Proxectos Fin de Carreira que se han de premiar nos actos de celebración do San Isidro na EPS de Lugo; ou algunha outra que xurde da coincidencia de membros da Xunta noutros actos e eventos.

Así mesmo, se celebraron 5 reunións da Comisión colaboradora do Delegado de Pontevedra.

2.4.- Administración: (Datos referidos ás dúas sedes).

- Nº. de rexistros de entrada: 487
- Nº. de rexistros de saída: 316
- Circulares enviadas aos colexiados e colexiadas 16
- Comunicacions individuais a colexiados e colexiadas 172

É salientable a mingua que ano tras ano se ven producindo no número de circulares remitidas aos colexiados dende o Colexio. Isto non é debido a unha redución das comunicacións cos colexiados, senón a unha racionalización destas. As grandes comunicacións en papel quedan para aqueles asuntos para os que é imprescindible (Convocatorias de asemblea, Turnos de actuación Profesional, traslados de información a colexiados suxeitos a colaboracións por parte co Colexio (MUNITEC, ITACA, etc.); o resto se xestiona a través dunha lista de avisos, vinculada á páxina web, para os



beneficiarios de contas gratuitas de correo electrónico corporativo (+ 200), e coa actualización puntual desta última.

Isto responde a unha demanda tanto do noso colectivo como social no senso de tentar reduci-lo consumo excesivo, e inútil, de papel.

2.5.- Altas e Baixas Colexiais:

- Expedientes de ALTAS: 61 (84,72%)
- Expedientes de BAIXAS: 23 (82,14%)
- Colexiados totais: 892 (96,22%)
(A Coruña 563 e Pontevedra 329).
- Colexiados ao corrente de cotas: 856 (104,52%)
(A Coruña 536 e Pontevedra 320).
- Colexiados exentos de cota: 36 (138,46%)
- Colexiados con redución de cota: 27 (69,23%)
- Colexiados bloqueados: 111
(A Coruña 66 e Pontevedra 45).

Nestes datos hai varias lecturas salientables, como que por terceiro ano consecutivo se teñen colexiado menos compañeiros e compañeiras que o ano anterior, sen embargo este ano se teñen producido menos baixas que o pasado, e o saldo neto segue a ser favorable.

En 2007, reduciuse a porcentaxe de colexiados e colexiadas que non estaban ao corrente das súas obrigas. O que supón un dato mellorable pero positivo. Pola contra, é moi importante a cantidade de colexiados bloqueados históricos (colexiados “en baixa de feito que non de dereito”), que manteñen débedas de longo prazo co Colexio, e que sen estaren de baixa por non o teren solicitado non teñen ningún dos beneficios que conleva a condición de colexiado.

Por último, obsérvase unha redución significativa no número de compañeiros e compañeiras que gozan do beneficio da redución de cota (por situación de desemprego), e un incremento igualmente significativo nos exentos de cuota (xubilados).

2.6.- Asesoría Xurídica:

- Actuacións en casos de intrusions profesionais, mediante o requirimento de informes.
- Reclamacións de honorarios.
- Defensa de actuacións de colexiados e colexiadas.



- Intervencións por denuncias de actuacións profesionais de colexiados e colexiadas.
- Informes en relación coa elaboración dos nosos estatutos particulares.
- Actuacións tendentes á extinción do vínculo laboral coa extraballadora da Delegación do Colexio en Ourense

2.7.- Defensa de atribucións profesionais:

- Xestións ante distintos concellos das dúas provincias, os presuntos intrusos, e os seus Colexios profesionais, etc., derivadas dos informes do punto anterior. Se ben neste punto produciuse unha redución significativa dos casos denunciados polos compañeiros e compañeiras.
- Informes xenéricos e específicos (parcelacións en núcleo rural, “declaracións de obra”, competencia para proxección de muros, etc.) sobre atribucións profesionais dos ETAs. Tanto a petición de colexiados e colexiadas como de organismos públicos, notaría, rexistros da propiedade, etc..
- Segue o seu curso a demanda interposta, en 2005, contra un particular por considera-la súa intromisión ilexítima no eido profesional dos ETAs, sen ter acreditada, tras serlle insistentemente requirida, a súa titulación habilitante.
- Modelo de escrito sobre a obrigatoriedade do visado colexial dirixido a diversos organismos e a compañeiros cuxos traballos non visados foron postos en coñecemento da Xunta de Goberno.

2.8.- Visado de Traballo:

Número total de visados: **3758 (129,90%)**

- A Coruña: 1664 (149,51%)
- Pontevedra: 2094 (117,64%)

Desagregación:

- Proxectos e anteprojectos: 884 (88,05%)
(AC: 509/PO: 375)
- Certificacións Fin de Obra: 148 (115,63%)
(AC: 73/PO: 75)
- Medicións e informes: 1807
(AC: 587/PO: 1220)
- Valoracións: 359 (122,53%)
(AC: 160/PO: 199)



- Seguridade e Saúde: 560 (108,53%)
(AC: 335/PO: 225)

As categorías de Proxectos e anteprojectos, Valoracións, Certificacións Fin de Obra e Seguridade e Saúde non merecen maior comentario nin aclaración.

Si que é necesario con relación á categoría Medicións e Informes (Informes, Pericias xudiciais, traballos de topografía, informes para c.p., etc.) na que se inclúen tódolos traballos que non estan en ningún dos outros epígrafes (por ese motivo, ao seu carón, non tén a súa porcentaxe de variación interanual).

De todos estes traballos, 481 (231+250, incluíndo traballos e anexos) foron visados mediante o visado electrónico, por un total de 31 (15+16) colexiados.

2.9.- Formación:

A Xunta de Goberno, como en anos anteriores, e así foi contemplado nos Orzamentos de 2007, decidiu adicar unha parte do presuposto destinado a formación, á dotación de Bolsas polo 50% do custo da matrícula, en cursos organizados/impartidos co respaldo das Universidades, ou outras entidades de recoñecido prestixio, que ademais da formación teñen o engadido do recoñecemento a efectos curriculares da súa carga lectiva.

Así mesmo, destinouse parte deste presuposto para subvencionar a asistencia de compañeiros e compañeiras ao “III Congreso Nacional de Calidade Alimentaria”, celebrado en Murcia.

Outros Cursos e Xornadas:

- Curso de Autocad (A Estrada). Xaneiro, 15 asistentes.



Cursos de Topografía Electrónica e de Coordinación de Seguridade e Saúde nas obras de Construción (Santiago de C.)

- Curso de CYPECAD, no Centro de Formación Profesional Ocupacional de Santiago de C., da Consellería de Traballo, en febreiro, con 17 asistentes. (Gratuíto).



- I Foro de “enerxias renovables no Sector Agrario”, en colaboración co Colexio de Enxeñeiros Agrónomos de Galicia, o 15 de xuño, en Silleda, con aproximadamente 50 asistentes.
- Curso de Topografía Electrónica, no Centro de Formación Profesional Ocupacional de Santiago de C., da Consellería de Traballo, do 2 de outubro ao 27 de novembro, con 16 asistentes. Financiado pola Consellería de Traballo e o FSE.
- Curso de Coordinador de Seguridade e Saúde nas obras de construción, no Centro de Formación Profesional Ocupacional de Santiago de C., da Consellería de Traballo, do 4 de outubro ao 30 de novembro, con 18 asistentes. Financiado pola Consellería de Traballo e o FSE.
- Curso de Vixiante de Seguridade e Hixiene, no Instituto Ibérico de Prevención, en Pontevedra, do 17 de outubro ao 29 de novembro, con 14 asistentes. Financiado pola Consellería de Traballo e o FSE.

Todos estes cursos, teñen sido gratuítos para os asistentes, agás o de Autocad que ten sido subenvionado polo Colexio nunha contía non inferior ao 50%.

2.10.- Fomento do Emprego:

- Canalización de ofertas de traballo ás bolsas de emprego: 24 (SEGIPSA, Albero Energía, Centro de Investigaciones de Cantabria, Comercial Química Massó, Cº. Reg. Mel de Galicia, Cº. Reg. Rías Baixas, Elsamex, Horsal, etc.), para máis de 30 postos de traballo.
- Traballos realizados a través das Quendas de actuación do Colexio:
 - * Quenda da Consellería de Economía e Facenda: 68 (63 AC e 5 PO).
 - * Quendas de actuación para xulgados: aparte da remisión dos listados, para a xestión directa por estes, non temos datos dos nomeamentos realizados polos distintos Xulgados e tribunais). Foi comunicado un único nomeamento, en Pontevedra para un asunto de xustiza gratuita. Este ano, sen embargo non nos foi comunicada ningunha renuncia; consonte a iso tampouco nos foi requirida a adopción de medidas.
 - * Quenda de actuación do Colexio: 26 (En a Coruña). De todos xeitos, ás veces é dificilmente contrastable a súa concreción, xa que normalmente responden, a solicitudes telefónicas, informando do teléfono de dous ou tres colexiados ou colexiadas, inscritos na quenda, de entre os que actúan na zona do traballo.
- Comunicacions diversas en relación coa OPE, para ETAs, da Administración Autonómica de Galicia
- Comunicacions diversas en relación coa cobertura con carácter transitorio de prazas reservadas a funcionarios e a contratación temporal de persoal laboral da Xunta de Galicia.



- Comunicacóns diversas en relación coas listas para contratación de persoal laboral temporal en AGADER.
- Comunicación da convocatoria para a cobertura de prazas na empresa pública de Servizos Agrarios Galegos.
- Comunicación dunha convocatoria de concurso para contratación de 15 lotes de traballo de recollida de datos de campo (prezos e superficies de cultivo) para profesionais independentes ou empresas (Proxecto “Agraria 2007” da Sociedade para o Desenvolvemento Comarcal de Galicia).
- Comunicación da convocatoria de Bolsas de Prácticas para titulados en especialidades agrarias.

2.11.- Relación Interna:

- Celebración da Festividade de San Isidro.
- Entrega de distincións a colexiados por visado de traballos, tanto ao que visou máis traballos como ao que lle reportou ao Colexio os maiores ingresos por este concepto.
- Entrega de distincións a colexiados autores dos proxectos máis significativos, por cada provincia.
- Edición de Axendas Colexiais e das Normas de presentación de Traballos profesionais.
- Xestión e control das quendas de actuación profesional, con uns totais de:
 - * 182 inscritos (118 en AC e 64 en PO) nas quendas da Consellería de Economía e Facenda.
 - * 258 inscritos (158 en AC e 100 en PO) nas quendas de actuacións nos xulgados e Tribunais.
 - * 173 Inscritos (110 en AC e 63 en PO) nas quendas de actuación profesional do Colexio.
- Foron tramitadas contas de correo electrónico corporativas “XXX@coitagalicia.org” (para un total de máis de 200 contas), e solicitudes 149 altas no rexistro da web (varias non aceptadas por non ser colexiados, para un total de 415 usuarios rexistrados).
- Comunicacóns varias entre sedes en materia de persoal e solicitudes de quendas actuación profesional e outras. Tramitación de denuncias de colexiados.



2.12.- Relacións con Outras Institucións:

- Convenios, acordos e colaboracións:

- Coa Semana Verde de Galicia para a realización de actividades como a celebración durante os derradeiros anos de diversos Foros de Debate (en 2007, sobre enerxías Renovables); para facilita-lo acceso á Feira dos colexiados e colexiadas; e para a participación do Colexio como membro do Comité Asesor da Feira. Tamén para a asistencia gratuita, dos colexiados e colexiadas, ás Xornadas Técnicas que se celebran durante a Semana Verde
- Coa Universidade de A Coruña, para a celebración de actividades formativas, e a súa dotación en créditos de carga lectiva.
- Xestións ante entidades financeiras, e outras, para a xestión de publicidade para inserir nas nosas publicacións (Axendas, páxina web, etc.).
- Participación no Comité de FICOMAT 2007.
- Convenio coa EUET forestais da Universidade de Vigo.
- Tramitación ordinaria de altas, baixas, incidencias e incidentes e sinistros, para MUNITEC e Colaboraciones MUNITEC.
- Relacións institucionais e colaboracións con outros Colexios de España (Habilitacións profesionais, información visado dixital, etc.), co Consejo General (Informes e consultas xurídicas, e outras, etc.) e coa Fundación IDEA.
- Colaboración co Colexio de Lugo e a EPS de Lugo, na organización dos Premios Fin de Carreira e entrega de insignias aos recén titulados, no curso 2006/2007.
- Asistencia á Xornada Divulgativa sobre o CTE (DB-SE (Seguridade Estructural)), organizada polo CGCOITAE e a Fundación IDEA, na EUETA de Madrid, en febreiro.
- Colaboración co CGCOITAE e a Fundación IDEA na posta en marcha, e celebración, dos Cursos Plurirrexionais (ao final non se concretou ningún por falta de demanda).
- Colaboración co CGCOITAE de cara á posta en funcionamento do novo sistema de cálculo dos dereitos de visado, trala supresión dos baremos orientativos, mediante o emprego de módulos por unidade de obra executada.
- Participación, a nivel institucional, no III Congreso Nacional de Calidade Alimentaria (Sectores Agroganadero y Pesquero), organizado polo Consejo General e a Fundación IDEA, e celebrado en outubro (16, 17 e 18) en Murcia.



Entrega de Premios Fin de Carreira na EPS de Lugo (Xuño 2006)

- Participación nos Plenos e Asembleas da Unión Profesional de Galicia, en Santiago de Compostela.
- Colaboración coa Consellería de Economía e Facenda na xestión dos listados da quenda para actuacións profesionais en periciais contradictorias, e asistencia ao sorteo anual.

2.13.- Outras Intervencións:

- Intervencións en actuacións concretas de colexiados.
- Informes a petición de colexiados (atribucións, competencias, etc.).
- Informes solicitados por xulgados con relación a actuacións profesionais de colexiados.
- Informes sobre adecuación de honorarios profesionais solicitados por diversos xulgados.
- Certificacións, e informes varios, a petición dos colexiados (fiscais, actuacións profesionais, traballos, habilitacións, etc.).
- Certificacións a colaboradores-docentes en cursos.
- Tramitacións EURING.
- Cobros de honorarios por mediación.
- Tramitación de contas de correo electrónico, gratuitas para colexiados.
- Tramitación de altas no Rexistro para acceso á parte restrinxida a colexiados de “www.coitagalicia.org” (149).
- Tramitación de altas no sistema de visado dixital, e expedición de certificados dixitais e as súa renovacións.
- Premios San Isidro Fin de Carreira, na EPS, nas especialidades de Explotacións Agropecuarias e Hortofructicultura e Xardinería.



- Entrega de insignias aos ETAs recién titulados, en colaboración co COITA Lugo e a EPS de Lugo.
- Envío de Saúdas do Nadal a tódalas institucións e organizacións relacionadas coa actividade agraria, e medios de comunicación.
- Remisión aos Xulgados e Tribunais dos listados de colexiados para as súas quendas de actuación profesional.
- Remisión á Consellería de Economía e Facenda de listados para a quenda de actuación en Taxacións periciais contradictorias.
- Intervención nas Xornadas de Orientación sobre as titulacións universitarias na Universidade de A Coruña.
- Intervención nas Xornadas que, na EPS, organizadas polo Departamento de Proxectos, se desenvolven para informar aos alumnos e alumnas das súas posibles saídas profesionais.
- Relacións con entidades privadas e particulares, actuacións en casos de intrusions profesional e información a particulares.
- Diversos ofrecementos de colaboración e invitacións ao Conselleiro do Medio Rural, e a altos cargos da devandita Consellería.
- Xestións ante a Seguridade Social relativas á situación laboral da traballadora da extinta Delegación do Colexio en Ourense.

2.14.- Medios de comunicación:

- Aparicións en diversos diarios de tirada rexional e provincial, como consecuencia da celebración do Foro de Debate sobre Enerxías Renovables, celebrado dentro da Semana Verde de Silleda.
- Aparición en “El Correo Gallego” (02/12/07), especial Colexios profesionais, con motivo do desenvolvemento de actividades formativas e máis concretamente co dos Cursos desenvolvemos subvencionados polo FSE.

3.- RESUMO DAS ACTIVIDADES.

Con todo o exposto con anterioridade e coa desagregación polo miúdo das actuacións do Colexio, ponse de manifesto que o Colexio mantén un nivel de actividade, cando menos, lixeiramente crecente ano tras ano e que a relación dos colexiados e colexiadas co Colexio, tanto na súa participación nas diferentes actividades organizadas, como no visado de traballos, segue a se incrementar, nunha tendencia que ven sendo sostida dende hai algúns anos.

A pesares do incremento que se segue a producir, un ano máis, no número de traballos sometidos ao trámite do visado, e que no 2007, pódese cualificar de espectacular (cun incremento total de case un 30%), debemos de seguir incidindo na



necesidade de cumprir con esta obriga estatutariamente recoñecida; xa que o cumprimento deste trámite mellora a credibilidade dos traballos ante os diferentes organismos e a sociedade, contribúe á mellora da imaxe pública da profesión e aporta ao Colexio uns medios económicos imprescindibles para o mantemento da actividade e a mellora na prestación de servizos.

O visado dixital, incrementou moi lixeiramente tanto o número de usuarios como a súa utilización por estes, quizás debido ás limitacións no tráfico de planos de formato superior ao A3. Seguimos a apostar por unha maior utilización deste sistema xa que aporta rapidez, e economía, no trámite do visado, así como mellora a imaxe de modernidade dos traballos e da profesión. Pese ás posibilidades de incremento na utilización podemos estar satisfeitos do uso que se fai deste sistema, que segue a ser un referente na organización colexial nacional.

Entre os feitos e acontecementos máis relevantes no ámbito profesional, ao longo do pasado ano, se sinalan, entroutros, os seguintes:

- 1- O 17 de xaneiro se fixeron públicas na páxina web, as novas “*Normas de Presentación de Traballos profesionais*” adaptadas tanto aos requirimentos do CTE como aos da lexislación galega en materia de solo (Leis 9/2002 e 15/2004). Estas mesmas normas foron distribuídas entre os colexiados e colexiadas co envío anual da Axenda Colexial.
- 2- O 29 de marzo, remataba o período transitorio para a aplicación dos *Documentos Básicos de Seguridade Estructural e Salubridade*, e polo tanto, con esa data, os proxectos de obras haberían de axustarse á totalidade dos DD.BB. do CTE, que se publicaron en marzo de 2006. Esta norma ten unha grande importancia na nosa actividade como proxectistas e directores de obras.
- 3- O 13 de abril, saíu publicada no *DOG*, a OPE da Administración da Comunidade Autónoma de Galicia para 2007. Se ofertaron 42 prazas (case o dobre que para Agrónomos e ETFs, e case catro veces máis que para Enxeñeiros de Montes). Estas prazas son 20 máis das que sendo ofertadas en 2006, finalmente a súa oferta non chegou a cristalizar coa convocatoria do correspondente proceso selectivo.
- 4- Así mesmo, o 17 de abril, saíu no *DOG* a *Lei 3/2007, do 9 de abril, de prevención e defensa contra os incendios forestais de Galicia*.



- 5- O 21 de maio, publicouse no *DOG* a ***Lei 7/2007, do 21 de maio, de medidas administrativas e tributarias para a conservación da superficie agraria útil e do Banco de Terras de Galicia***.
- 6- O 29 de maio, saíu publicada no *BOE* a “***Ley 8,2007, del suelo***”, pola que se rexen as valoracións de solo, as instalacións, construcións e edificacións, e os dereitos constituídos sobre ou en relación con estes.
- 7- O 6 de xuño, saíu publicado no *DOG*, con entrada en vigor ao día seguinte o ***Decreto 98/2007, do 24 de maio***, polo que se establece o procedemento para autorizar as permutas voluntarias de predios rústicos para os efectos de solicitar a **exención do imposto de transmisións patrimoniais e actos xurídicos documentados**. Mediante este decreto, a Consellería do Medio Rural pretende favorecer-la reordenación das terras agrarias coa finalidade de facilitar aos seus titulares o incremento da superficie útil para o seu mellor aproveitamento agrogandeiro ou forestal.
- 8- Neste mesmo mes de xuño, volvéronse a ofertar, por terceiro ano consecutivo, cursos gratuítos (básico de Prevención de Riscos no Sector Agroalimentario, de Agricultura e Gandería Ecolóxica e de Fomento da Calidade Agroalimentaria) ao través da Fundación IDEA, con fondos do FSE e con cargo aos Programas Plurirrexionáis de Formación dirixidos a profesionais do Sector Agroalimentario e do Medio Rural.
- 9- O 14 de xuño, a ministra de Agricultura, Pesca e Alimentación (D^a. Elena Espinosa Manglana) clausurou os actos de celebración do Sesquicentenario da carreira de Perito e Enxeñeiro Técnico Agrícola. Nese acto a ministra destacou a contribución dos Peritos e Enxeñeiros Técnicos Agrícolas ao desenvolvemento do sector agroalimentario.
- 10- O 15 de xuño, no marco da Semana Verde de Galicia, en Silleda, o Colexio en colaboración co Colexio de Agrónomos organizou o I Foro sobre enerxias renovables no Sector Agrario.
- 11- O 16 de xuño entrou en vigor a “***Ley 2/2007, de sociedades profesionales***”, que impón obrigas tanto ás sociedades formadas por ETAs (de carácter constitutivo e deontolóxico), como ao Colexio (creación do Rexistro de Sociedades Profesionales e aprobación do regulamento de funcionamento este).
- 12- O 25 de xuño, a asemblea Xeral Ordinaria do Colexio, acordou por unanimidade a **supresión dos Baremos Orientativos de Honorarios** e a adopción dos módulos elaborados polo CGCOITAE para o cálculo dos



dereitos de visado. Este último acordo foi ratificado pola asemblea Xeral Ordinaria de 20 de decembro.



Foro de enerxías Renovables (Silleda, xuño 2007).

- 13- Ata o 16 de xullo, estivo aberto o prazo para concorrer á **ampliación de capital da entidade certificadora ITACA**, creada pola Fundación IDEA e o CGCOITAE.
- 14- No mes de setembro, a Consellería de Traballo concedéunos unha subvención para o desenvolvemento de actividades formativas para “traballadores ocupados”, concretadas en 3 cursos (Topografía Electrónica, Coordinación en Materia de seguridade e Saúde, ámbolosdous en Santiago, e de Vixiante de Seguridade e Hixiene, en Pontevedra), que se desenvolveron nos meses de setembro, outubro e novembro. Os devanditos **cursos** foron **gratuítos** para os colexiados ao ser cofinanciados pola propia Consellería e o FSE.
- 15- O 11 de outubro, a Ministra de Agricultura, Pesca e Alimentación, reuniuse no ministerio coa Comisión Executiva do CGCOITAE e co Patronato da Fundación IDEA, para aborda-la colaboración que se veñen prestando.



Recepción no MAPyA á Comisión Ejecutiva do CGCOITAE e ao patronato da Fundación IDEA (Outubro 2007).

- 16- O 16, 17 e 18 de outubro, celebrouse en Murcia o “III Congreso Nacional de Calidad Alimentaria”.
- 17- O 17 de outubro, saíu publicada no BOE o Orden EHA/3011/2007, de 4 de outubro, pola que se modifica a Orden ECO/805/2003, de 27 de marzo, sobre normas de valoración de bens inmobles e de determinados dereitos para certas finalidades financeiras.

4.- EPÍLOGO

A memoria de actuacións que está a rematar cumpre co mandado estatutario de someter á asemblea Xeral as actuacións levadas a cabo polo Colexio durante o exercicio 2007, para a súa sanción.

Pensamos que queda patente, xa que logo, o esforzo incondicional que os membros da Xunta de Goberno do Colexio, e da Delegación de Pontevedra, fan por que cada día a atención e o servizo que dende o Colexio se presta aos seus membros sexa a mellor; e porque a representación e defensa da profesión e de tódolos integrantes da organización colexial sexa o máis eficaz posible.



É evidente, como xa se manifestou con anterioridade que todo o anterior é mellorable, e diso somos conscientes todos e todas os que nestes momentos témo-la responsabilidade e o compromiso da dirección e administración do Colexio, pero tamén estamos seguros que iso está condicionado ao voso apoio e colaboración. Así pois, un ano máis, vola demandamos en forma de propostas, iniciativas e de participación na organización de actividades. Na medida que iso sexa así o Colexio irá reflectindo a mellora e o progreso da súa organización.

Neste epílogo á Memoria de 2007, facemos votos para mante-lo noso compromiso de esforzo, honestidade e mellora continua das nosas actuacións, e manifestamos o noso agradecemos a tódolos colexiados e colexiadas que nos teñen amosado a súa dispoñibilidade e colaboración nas actividades colexiais.

Santiago, 28 de xuño de 2008
A XUNTA DE GOBERNO